

Goden Dach leve Lüüd, ik begrüss ju in uns fein „Oostseebad-Haffkrooch“

dat schönste un ok dat öllste Feriendörp vun Achtein-hunnert-twölf an´n Ostseestrann in Ostholsteen, in de Lübecker-Bucht.

Bild 2.




Op dat Bild ist de Motorsegler Seeschwalv, de föhr hier vun Nengtein-hunnert-twee-un-föfti, bet Nengtein-hunnert-achtzi mit de Sommergäst. Un de Käpten, dat wer „Peter Brandt“

Bild 1.



Gooden Dach leeve Lüüd:
Dat bün ik „Haffi“ dat Mövenkind, ik bün dat Maskottchen vun uns Haffkrooch. Ik häv min Stuvv in denn olen Segelkutter de bi denn olen Fischschuppen an de Seebrüch steiht.

Bild 3.



Dat Standbild vun denn Fischer de siene Nett utsmieten deit. Dat steit ok op denn Platz vör de Seebrüch.

Leeven Dörpsvörstand,

ik will ju blood för dat schöne niege Huusprogramm dat ju in denn niegen Schrieffernseher inspeelt hebt, graleern. Sowat bruckt man je wull hüüt to Dooch´s to jede Tied un Stün`n, damit de Minschen in alle Welt ok weet wo uns
schönet Haffkrooch licht.

Ja, ja, so flink löpt de Tied över dat Johr, hes´d grad Sylvester fiert, is de Sommer nich mier wiet. Un je öller man waard, je flinker löpt de Tied.

Na, nu sünd dat je noch een poor Monat, denn is de Sommer wedder dor, de Sünn un de Gäst ut Nah un Fern. Un denn geit dat Gerangel üm de besten Plätz wedder los. De Parkplätz sind weer vull, de Gäst`zimmers un Ferienwohnungen sind weer öververmietet, de Strandkorbvermietters stöönt un in de Hotels un Restaurants is ok olli weer wat los dor maakt de Kellners wer Wettloop.

Wenn ik mi nu mol dat niege Portal in jun „S c h r i e v e r n s e h e r“ so bekieken do: Hier finds´d so mennig goode Idee wat ju hier in uns lütt ol Fischer-un Feriendörp so aln´s anstell´n kannst.

Hier kanns´t in de Oostsee swömm un in de Sünn an´n Strann lin´n.....
dat is je wull ok vör alle Sommergäst un Inheimsche dat wichtigste.

Aver wi hebt ok een Hunnstrann, over an´n Strann rieden kanns in´n Sommer wull nich, denn dor wöllt je de Sommergäst in de Sünn lien´n.

De Scheep lecht an de Seebrüch an un holt ju aff op een Tour na Fehmarn, Grööms, Kellnhusen, Tramünn´ un sogoor no Boltenhougen in Mecklenboch.

Ok mit de „Straatenbahn op Luffrööh“ Bienchen heet de Toch, könnt ju uns ganzet Dörp afföhrn, dörch de Dörpstraat un dörch uns Holt bet no Schärbeitz. Un an´n Avend kannst´n feinet Is leckern oder een Bier oder Wien drinken.

In´n Juli/August hebt wi denn wer uns grötstes Heimatfest de

„Fröhliche Aalwoch´“

ja, ja, denn geit de Post dree Dooch lang aver aff, dat kann ik ju sän´ng. Denn giv de ole Fischerieverein olli een ut, Fischbrööt un so. Neptun is ok dor de ward je olli vun de Seebrüch mit Musik, denn olen Schleswig-Holsteenmarsch, „Gruß an Kiel“ op een Benzin-kutsch, oder ok mennigmal op een Lands-Bulldock affhooft, naja he is je ok all olli oolt un kann nich mier so lopen.

Ansünsten könnt ju ok in unsen niegen Kurpark de is jetz ümbuucht worn un heet jetz „Haffwiesenpark“ Dor kanns ok fein spazeern lopen un mennigmal ist dor in dat Kurhuus ok olli wat loos. Ja, ja hier kannst die ok de Tied fein verdriegen.

Tscha, leeve Lüüd wenn ju över uns Oostseebad-Haffkrooch noch mier weeten wöllt, wend ju op een Wuurt an unsen Dörpsvörstand

Helmut Kurth heet he Tel: 04563 / 5304

Ok op Engulsch oder Spaansch könnt ju em wat frogen het hätt de ganze Welt bereis`t un kennt sik ut.

Nu wünsch ik ju allns Goode un Gesundheit för dat niege Johr Twee-dusend-sömtejn jun

„H a f f i“

ut dat schöne Haffkrooch!

So..... nu aver rann, nich lann´ schnacken un denn

„Schrievfernseher“ knacken !!!

Vun Martin Meier
Haffkrooch /Oostsee

Ut dat Dörpsarchiv
Haffkrooch/Oostsee
10. Januar 2017